



TFP Rajonale: Tirana Bank

Shteti:	SHQIPËRI
Numri i Projektit:	55869
Sektori i Biznesit:	Kredi depozituese (banka)
Tipi i Njoftimit:	PRIVAT
Kategoria Mjedisore:	Institucione Financiare
Data e Aprovimit:	03 Qershor 2025
Statusi:	Miratuar
Publikimi i PSD:	04 Qershor 2025

Sipas seksionit 1.4.2 (iii) të Direktivës për Qasjen në Informacion: "Për Projektet e miratuara nga menaxhmenti i Bankës ku Bordi i Drejtorëve ka deleguar autoritetin e miratimit, PSD duhet të publikohet në fillim të periudhës përkatëse të njoftimit pa kundërshtime për një vend anëtar të Bankës në përputhje me Nenin 13 (iii) të Marrëveshjes Themeluese të BERZH.

Përshkrimi i Projektit

Deri në EUR 5 milionë për Tirana Bank (TB) për Programin e Lehtësimit të Tregtisë (TFP) disponueshëm për garanci deri në 18 muaj dhe për paradhënie deri në 6 muaj (nën-limiti).

Objektivat e Projektit

Limiti i propozuar i TFP-së do të jetë i rëndësishëm në mbështetjen e kësaj rritjeje duke krijuar kapacitete shtesë tregtare, duke zgjeruar rrjetin e bankave korrespondente dhe duke promovuar tregtinë brenda rajonit. Gjithashtu, ofrimi i bashkëpunimit teknik për projektin do të rrisë ekspertizën dhe njohuritë e Tirana Bank, do të diversifikojë ofertat e produkteve të saj dhe do të nxisë rritjen e biznesit të saj të financimit tregtar.

Ndikimi në Tranzicion

ETI 61

Projekti mbështet cilësitë e Ndikimit në Tranzicion të **Integruar** dhe të **Qëndrueshëm**.

Nën cilësinë e tranzicionit të Integruar, TFP do të zgjerojë qasjen dhe mundësitë e financimit të tregtisë në sektorë të ndryshëm, duke lehtësuar hyrjen produkteve dhe shërbimeve në tregjet ndërkombëtare.

Projekti do të kontribuojë në rritjen e qëndrueshmërisë së sistemeve financiare përmes transferimit të aftësive, duke forcuar kapacitetet e financimit të tregtisë së Tirana Bank.

Informacioni për Klientin

TIRANA BANK SHA

Tirana Bank është aktualisht banka e gjashtë më e madhe në Shqipëri sipas totalit të aktiveve dhe e pesta më e madhe sipas portofolit të kredive, me pjesë tregu përkatësisht 6.7% dhe 9.2%, në fund të tremujorit të tretë të vitit 2024. Tirana Bank është një bankë universale, me rreth 70% të portofolit të saj të kredive të orientuar drejt sektorit të korporatave dhe rreth 30% drejt sektorit të individëve. Ajo operon përmes 33 degëve të shpërndara në të gjithë vendin dheu shërben mbi 140 mijë klientëve dhe punëson 564 punonjës.

Vlera e shtuar

Projekti do të ofrojë një kombinim të programit për financimin e tregtisë dhe asistencës teknike për të mbështetur më tej integrimin e tregut shqiptar dhe duke rritur përfitimet e ekonomisë reale.

Linja TFP do të kontribuojë në zhvillimin institucional dhe transferimin e njohurive mbi financimin e tregtisë përmes shërbimeve individuale këshilluese dhe trajnimeve për stafin dhe klientët e Tirana Bank, si dhe përmes asistencës teknike të specializuar për të mbështetur origjinimin dhe strukturimin e transaksioneve të gjelbra të financimit të tregtisë nën kornizën e Bashkëpunimit Teknik të TFP.

Përmbledhja Mjedisore dhe Sociale

E kategorizuar Institucion Financiar (ESP 2019). Tirana Bank është një klient i ri i BERZH-it. E themeluar në vitin 1996, Tirana Bank ishte banka e parë private në Shqipëri.

Përdorimi i fondeve do të shërbejë për të mbështetur: (I) aktivitetin e financimit të tregtisë së Tirana Bank (deri në EUR 5 milionë), përmes lëshimit të garancive në favor të bankave konfirmuese dhe ofrimit të paradhënies për eksportet, importet dhe tregtimin e produkteve të importuara; (II) nën-huatë (hua e nxitjes së rritjes për NVM deri në EUR 5 milionë) për të ndihmuar në financimin e investimeve të mikro, ndërmarrjeve të vogla dhe të mesme në Shqipëri, me qëllim përmirësimin e konkurrueshmërisë dhe përputhshmërisë me standardet teknike në përputhje me direktivat e BE-së dhe standardet e tjera të njohura ndërkombëtarisht.

Vlerësimi i duhur mjedisor dhe social (E&S) është ndërmarrë bazuar në një shqyrtim të një pyetësori të ESDD-së, informacionit të disponueshëm publikisht dhe komunikimeve të mëtejshme me klientin nëpërmjet një takimi virtual dhe shqyrtimit të dokumentacionit të ofruar. Vlerësimi i duhur mjedisor dhe social ka identifikuar boshllëqe në përputhshmëri, kryesisht me Principin e Përgjegjësisë (PR9), të konsideruara si rrezik i ulët deri në mesatar mjedisor dhe social, dhe veprimet për t'i mbyllur këto janë përfshirë brenda një Plani Menaxhimi Mjedisor dhe Social (PMMS), i cili do të miratohet nga Klienti dhe do të përfshihet në marrëveshjen e financimit. Tirana Bank duhet të zhvillojë dhe miratojë

një politikë, procedura dhe metodologji Mjedisore dhe Sociale për të menaxhuar dhe monitoruar nën-huat e saj, duke përfshirë përputhshmërinë e nën-huamarrësve të tyre me rregulloret dhe legjislacionin kombëtar në lidhje me mjedisin, shëndetin dhe sigurinë, dhe punën. Tirana Bank do t'i kërkojë të vazhdojë të veprojë në përputhje me Kërkesat e Performancës 2, 4 dhe 9 duke përfshirë Përfshirjet e prezantuara me Politikën Mjedisore dhe Sociale të BERZH-it të vitit 2019; të jetë në përputhje me udhëzimet e BERZH-it për Menaxhimin e Riskut Mjedisor dhe Social dhe të dorëzojë Raporte Vjetore Mjedisore dhe Sociale në Bankë. Nën-projektet që financohen përmes huasë së Tirana Bank për Rritjen e Qëndrueshmërisë të SME-ve do të duhet të jenë në përputhje me legjislacionin kombëtar mjedisor, social, të punës, shëndetit dhe sigurisë.

Nëse financimi nga BERZH-i përdoret për të mbështetur nën-projekte në fushën e energjisë së rinovueshme, ato duhet të menaxhohen në përputhje me kriteret përkatëse të pranueshmërisë të përcaktuara në Deklaratën e Politikave.

Projekti ka një përdorim të përcaktuar të fondeve nën Programin TFP dhe është vlerësuar si i përputhshëm me Marrëveshjen e Parisit, bazuar në metodologjinë e BERZH-it për financim indirekt.

Bashkëpunimi Teknik dhe Financimi i Granteve

Në kuadër të TFP-së, Tirana Bank do t'i ofrohen projektet e rregullta të Bashkëpunimit Teknik brenda Kornizës së Bashkëpunimit Teknik TFP, duke përfshirë, por pa u kufizuar në shërbime këshillimore, pjesëmarrje në Programin e Mësimit Elektronik për Financimin e Tregtisë, si dhe seminare interaktive mbi tema të ndryshme të financimit të tregtisë.

Informacioni i Kontaktit të Kompanisë

Elvira Kapoli

ekapoli@tiranabank.al

+355 4 22 77 667

www.tiranabank.al

Tirana Bank Sh.A. Rr. Ibrahim Rugova, Kutia Postare 2400/1, Tiranë, Shqipëri, 1019

Përditësimi i fundit i PSD-së

4 Qershor 2025

Ndikimi në Tranzicion

Për informacion të mëtejshëm lidhur me qasjen e BERZH ndaj matjes së ndikimit në tranzicion mund të lexoni [këtu](#).

Mundësitë e biznesit

Për mundësitë për biznes ose prokurim, kontaktoni shoqërinë kliente.

Për mundësi biznesi me BERZH (që nuk lidhen me prokurimin) kontaktoni:

Tel: +44 20 7338 7168

Email: projectenquiries@ebrd.com

Për projektet në sektorin shtetëror, vizitoni [Prokurimet e BERZH](#):

Tel: +44 20 7338 6794

Email: procurement@ebrd.com

Pyetje të përgjithshme

Mund të bëni pyetje specifike duke përdorur [Formularin e pyetjeve të BERZH-it](#).

Politika Mjedisore dhe Sociale (PMS)

[PMS](#) dhe Kriteret e Performancës (PR) përcaktojnë mënyrën se si BERZH zbaton angazhimin e saj për promovimin e “zhvillimit të shëndetshëm dhe të qëndrueshëm mjedisor”. PMS dhe PR përfshijnë dispozita specifike në mënyrë që klientët të veprojnë në përputhje me kërkesat e zbatueshme të legjislacionit kombëtar për informacionin dhe këshillimin publik, si dhe të ngrenë mekanizmat e ankimit për të adresuar dhe lehtësuar zgjidhjen e shqetësimeve dhe ankesave të palëve të interesit, veçanërisht sa i përket përgjegjësisë mjedisore dhe sociale të klientit dhe projektit. Në raport të drejtë me natyrën dhe shkallën e riskut dhe ndikimit mjedisor dhe social të projektit, BERZH i kërkon klientëve të publikojnë gjithashtu informacion, sipas rastit, mbi risqet dhe ndikimet e projektit ose të kryejnë këshillime gjithëpërfshirëse me palët e interesit dhe të marrin në konsideratë e t'i përgjigjen reagimit të tyre.

Më shumë informacion mbi praktikën e BERZH në këtë aspekt jepet në [PMS](#).

Integriteti dhe Përputhshmëria

Zyra e Krye Oficerit të Përputhshmërisë (OCCO) së BERZH promovon qeverisjen e mirë dhe siguron zbatimin e standardeve më të larta të integritetit në të gjitha veprimtaritë e Bankës, në përputhje me praktikën më të mirë ndërkombëtare. Të gjithë klientëve e Bankës duhet t'u nënshtrohen kontrolleve të integritetit për t'u siguruar që projektet nuk paraqesin rrisqe të papranueshme integriteti apo reputacioni për Bankën. Banka beson se identifikimi dhe zgjidhja e problematikave gjatë fazave të vlerësimit për miratimin e projektit, është mënyra më efikase për të siguruar integritetin e transaksioneve të Bankës. OCCO luan rol kyç në këto përpjekje mbrojtëse dhe gjithashtu ndihmon me monitorimin e rreziqeve ndaj integritetit në fazën e pas investimit në projekt.

OCCO është gjithashtu përgjegjëse për verifikimin e akuzave për mashtrim, korrupsion dhe shkelje në projektet e financuara nga BERZH Kushdo, qoftë pjesë apo jo e Bankës, që ka dyshime prr praktika mashtrimi apo korruptive duhet të paraqesë një raportim me shkrim në adresë të Krye Oficerit të Përputhshmërisë përmes postës elektronike tek compliance@ebrd.com. Të gjitha çështjet e raportuara do të ndiqen nga OCCO. Të gjitha raportimet, përfshirë ato anonime, do të

shqyrtohen. Raportimet mund të bëhen në çfarëdolloj gjuhe të Bankës apo të vendeve ku Banka vepron. Informacioni i dhënë duhet të jepet në mirëbesim.

Politika e Qasjes në Informacion (PQI)

PQI përcakton mënyrën se si BERZH e shpalos informacionin dhe këshillohet me grupet e interesit për të nxitur ndërgjegjësimin dhe të kuptuarit më të mirë të strategjive, politikave dhe operacioneve të veta pas hyrjes në fuqi të saj më 1 janar 2020. Ju lutemi vizitoni faqen e [Politikës së Qasjes në Informacion](#) për t'u informuar mbi informacionin e disponueshëm në faqen e BERZH.

Kërkesat për informacion të veçantë mund të bëhen duke [përdorur Formularin e pyetjeve të BERZH](#).

Mekanizmi i Pavarur për Përgjegjësinë ndaj Projektit (MPPP)

Nëse përpjekjet për të trajtuar shqetësimet mjedisore, sociale, apo të bërjes publike me Klientin apo Bankën nuk kanë rezultat (p.sh., përmes mekanizmit të ankimit në nivel projekti të Klientit, ose përmes kontaktit të drejtpërdrejtë me ekipin drejtues të Bankës) individët dhe organizatat mund t'i trajtojnë shqetësimet e tyre përmes Mekanizmit të Pavarur për Përgjegjësinë ndaj Projektit (MPPP) të BERZH .

MPPP shqyrton në mënyrë të pavarur problematikat e Projektit që mendohet se kanë (ose mund të shkaktojnë) dëme. Qëllimi i mekanizmit është të: mbështesë dialogun midis palëve të interesit të Projektit për të zgjidhur problematikat mjedisore, sociale dhe të publikimit të informacionit; të përcaktojë nëse Banka vepron në përputhje me [Politikën Mjedisore dhe Sociale](#) apo dispozitat specifike për Projektin të [Politikës së Qasjes në Informacion](#); dhe nëse gjen zbatim të trajtojë çdo devijim nga këto politika, duke parandaluar kështu edhe cdo devijim apo mospërputhje nga ana e Bankës në të ardhmen.

Ju lutem vizitoni faqen e webit për [Mekanizmin e Pavarur për Përgjegjësinë ndaj Projektit](#) për të mësuar më shumë mbi MPPP dhe misionin e tij; si dhe për të [dërguar një kërkesë](#) për rishikim; ose për të kontaktuar MPPP përmes emailit ipam@ebrd.com për më shumë informacion dhe udhëzime mbi mekanizmin dhe dërgimin e kërkesave.